



Inatsisartuni ilaasortaq
Jens Napaattoq, Naleraq

Nunaqarfinni tunisassiorfiit pillugit § 37 naapertorlugu apeqquteqaat nr. 100-2022-mut akissut

Asasara Jens Napaattoq

Inatsisartut suleriaasianni § 37 naapertorlugu innaallagialaq aamma nunaqarfiit tunisassiorfiit pillugit Naalakkersuisunut apeqquteqaateqarputit. Apeqqutit uannut innersuunneqarsimapput akisassanngorlugit.

1. Nunaqarfinni aalisakkerivinni fabrikinut innaallagiamut tapeq atuuttussaava?

Akissut:

Aalisakkerivinnut akigititaasut atorneqartarneranni maleruagassat illoqarfinnut nunaqarfinnullu assigiipput. 2022-mut Aningaasanut Inatsimmi imatut allassimasoqarpoq:

Illoqarfinni nunaqarfinnilu ataasiakkaani aalisakkerivinnut akini inaallagissamut imermullu ataasiakkaanut aningaasartuutit 50%-inik aalajangerneqarput, imatut naleqqussarneqarlutik:

- Aalisakkeriviit annerpaamik innaallagissamut imermullu akinut atuisutut allatut akiliuteqartassapput
- Aalisakkeriviit minnerpaamik atuisut allat akiliutaasa minnerpaaffiata 50,0%-ianik akiliuteqartassapput.

2. Nunaqarfiit illoqarfittuulli innaallagialaqarnikkut 40 % angullugu taperneqarsinnaasussaappat?

Akissut:

Apeqqut 1-imut akissut innersuussutigineqarpoq.

Allakkat ulluat: 30-05-2022
Suliap normua: 2022 - 104
Allagaatip ilisarnaataa:
20152329

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

3. Nunaqarfinni arlaqartuni fabrikkini ingerlatsiviusut ilaani paasinarpoq innaallagissamut tapeqartitsisoqanngitsoq tamanna ilumoorsimappat sumik tunngaveqarpa?

Akissut:

Nukissiorfiit tapiliussassamik pissarsiniarfigineqarput, Nukissiorfiit imaattumik ilisimatitsissuteqarput:

”Aalisakkerivinnut akinik pissarsiniartoqassappat aalisakkeriviit tamanna pillugu Nukissiorfimmu qinnuteqassapput. Aalisakkeriviup innaallagissamik imermillu pilersorneqarnissamut piumasarisasut naammassisimappagit, najukkami aalisakkerivimmu akigititassat tunngavigalugit akiliisitsisoqartassaaq. Sumiiffinni minnerusuni ataasiakkaanu aningaasartuuteqartarnermi innaallagissamut akit qaffasissinnaammata, amerlanertigut aalisakkerivimmu aammalu atuisunuu nalinginnaasunuu innaallagissamut akit assigiittarput.”

Tamatuma saniatigut apeqqut 1-imu akissuteqaat innersuussutigineqarpoq.

4. Oqaatsuni namminersortunik pigineqarluni aallartitsineq nunaqarfimmu iluaqutaangaatsiartoq eqqarsaatigalugu innaallagissamut tapiisoqartarpa? taamaattoqanngippat suna peqqutaava?

Akissut:

Nukissiorfiit tapiliussassamik pissarsiniarfigineqarput, Nukissiorfiit imaattumik ilisimatitsissuteqarput:

” Nukissiorfinniit ilisimatitsissutigineqarpoq, suliffeqarfup uuttuut, siornatigut aalisakkerivinnu akit malillugit akiligassiiffiusartoq nammineerluni atorunnaartutuu nalunaarutigisimagaa. Nukissiorfimiit suliffeqarfik attaveqarfineqassaaq, aalisakkerivinnu akinik atuinissamuu tunngatillugu ilitsersorneqarnissaaq pisariaqartinneqarnersoq paasiniarlugu.”

5. Nunaqarfinni fabrikkit ingerlanneqarneranerani tapiissutissanik allanik periarfissaqarpa?

Akissut:

Aningaasanuu inatsimmi kontomi 73.04.08 Savaaqqanik toqoraavimmu il. il. kiffartuussinermmu isumaqatigiissuu (Tapiissutituu aningaasaliissutit) 2022-muu 11,7 mio. koruunit immikkoortinneqarput. Aningaasanuu inatsisip oqaasertaanuu innersuussisoqarpoq.

Tamatuma saniatigut Nunanut Allanut, Inuussutissarsiornermmu Niuernernullu Naalakkersuisoqarfik tapiliussassamik pissarsiniarfigineqarpoq, tassanngaanniillu ilisimatitsissutigineqarpoq:

”Nunanut Allanut, Inuussutissarsiornermut Niuernermullu Naalackersuisoqarfik toqqaannartumik tapiissuteqartarnernik aqutaqanngilaq. Innovation Greenlandip tapiisarneri ingerlatsinermut aningaasartuutininut atorneqarsinnaanngillat, aammalu sulianut allanut inatsisit allat aqputigalugit tapiissuteqartoqartanngilaq, taamaattumillu tunisassiorfiit ingerlanneqarnerinut tapiissutit taakku aaqqissuussinerinut ilaatinneqarsinnaanngillat.”

6. Naalackersuisut Nunaqarfinni fabrikkinut siuarsaanissamut pilersaaruteqarpat?

Akissut:

Apeqput 5-imut akissut innersuussutigineqarpoq.

Inussiarnersumik inuulluaqqusillunga


Kalistat Lund